

solchen vnrechten trost vnd erdichtet hoffnung der
gesuntheyt felt der mensche yn gewisse vordamnuß
Darumb so ist der sterbent mensche vor allen dingē
zu weisen vff die ding die dem heyl der sele nothurſtig
seind. Zu dem ersten das er gleube als ein guter
cristen gleuben sal. frolich sei das er yn dem glauben
cristi vnd vntertaniger eynheit d̄ cristlichen kirchen
welle ersterben. Zu dem andern male das er bekene
wie er got so schwerlich erturnet hab dz er darumb
leyt habe. Zu dem dritten das er ein fursatz habe
sich warlich zu bessern: ob er in lengerm leben bleibē
wurde vnd nimmer surbas zu sunden. Zu dem
vierden male das er vorgebe durch got alle den die
yn geletzet haben: vnd och ablas beger von dene die
er hat beleydiget. Zu dem fünfftē mal das er als
les vnrecht fertig gut wider gebe. Zu dem ſechsten
male dz erbekenne cristum fur in gestorben sey. vnd
ſuſt nit muge behalte werde. Wan durch dz vordinē
des leides cristi. dar vmb er got danck sol sage nach
seinem vermugen. vnd ob der siech auf gutte hertze
dor zu antwort gibt so ist es anzutzen vnder denē
die behalten werden sollen. Dar nach ist es mit fleys
zu wissen vff ordenlich entpffen der heiligen sacra
ment. Zu dem erſtern Das er mit warer rewe dun
ein volkomene beicht. die andern heiligen sacrament
andechſtiglich entpffen Welcher aber von andern
leuten der vorgemelten dingē nit gefraget vnd vn
derweyset wurde. der sol sich selber fragen merken de
ob er geschickt sei als oben gemeldet ist Und welcher
also geschickt ist. der sol sich dem leyden christi gang
entpffelhen. ſtiglichen anruffend vnd das betrach
tende. Wan durch das werden alle anſehtige. tes